

Message Seven

Nehemia—Kārai Kāsang H pang De Prat Lādaw Hte Seng Ai Mānu Dan Dik Ai Wa A Kāsi Kāmang

Htina chyumdaw; Shr. 12:1-14, Neh.1:1-11, 2:9-20, 4:4-5, 5:10, 14-19, 8:1-10, 13:14, 29-31.

I. Kārai Kāsang a ra shārawng ai lam gaw ndai prat hpe jāhtum kau nna, mungdan prat lādaw hpe gun sa wa na mātu rai nga ai. Kārai Kāsang a mātu, ndai lam hpe shāngut shākre na mātu, Mādu hta prat lādaw hte seng ai arung arai nga ra ai rai nga ai.

A. Anhtē yawng gaw Mādu Kārai hpe māda yu nna, Kārai Kāsang h pang de prat lādaw hte seng ai mānu dan dik ai lam nga na mātu akyu hpyi ra nga ai. Anhtē gaw ndai prat daw chyen hpe jāhtum kau nhtawm, du wa na prat lādaw, mungdan prat hpe gun sa wa na mātu, anhtē hpa gālaw nga a ta? ngu tinang hkum hpe san ra nga ai. Ndai gaw laklai ai aten rai nga ai. Dai rai nna, laklai ai bungli hpe gālaw na mātu laklai ai kamsham ai ni hpe ra nga ai.

B. “**Sa u**” ngu nna sha tsun chye nna, “**Wa rit**” ngu ntsun lu ai ni gaw akyu chyēju lu na nrai nga ai. Dai gaw shanhtē gaw Kārai Kāsang a mātu prat lādaw hte seng ai mānu dan ai lam nga na nrai nga ai- mādun; Heb. 10:22.

1. Hebre laika ka ai wa gaw, kamsham ai ni hpe shawng de sa u ngu ntsun ai sha, shawng de lāhkam sa na mātu sha tsun da ai. Ndai gaw laika ka ai wa gaw laklai ai shāra hta nga nga nna, shi gaw laika hti ai ni hpe shi nga ai shāra de sit shang sa wa na mātu ra shārawng wu ai.

2. Anhtē gaw lam māsum de sit shang sa wa ra ai. Dai ni gaw Chyoi pra dik ai shāra de, chyēju tingnyang de, Kārai Kāsang shi hkum nan h pang de rai nga ai. Bai hkum kāyin hting nut mat wa u, shawng de sit shang wa u- kāji 22, 4:16, 7:25, 11:6.

3. Kārai Kāsang gaw chyēju ting nyang hta nga nga nna, chyēju ting nyang gaw Chyoi pra dik ai shāra hta nga nga ai. Hebre laika hpe ka ai ten hta laika ka ai wa gaw Chyoi pra dik ai shāra hta nga nga nna, Hebre kamsham ai māsha ni hpe shawng de sit shang wa na mātu shāga nga ai rai nga ai.

- C. Shādang sha hpe sumsing de shālun la ai, Satan hpe dinghta ga de jāhkrat kau ai hte sumsing lāmu mungdan grin nga sai ngu ndau ai lam ni gaw, Kārai Kāsang gaw shādang sha hpe lu la ai lam hta kāba dik ai prat lādaw hte seng ai shāmu shāmawt lam rai nga ai. Hpa mājaw nga yang dai gaw Hpung prat hpe jāhtum kau nna, mungdan prat lādaw hpe shāchyen ya ai mājaw rai nga ai- Shr. 12:5, 9-10, 11:15.
- D. Shādang sha hpe Kārai Kāsang a ting nyang de shālun la mat ai lam gaw, nhtoi 1260 ndu shi yang, dai gaw tsin yam tsin dam prat kāba lādaw māsum ning e chyen mi (shāta 42) aten ndu shi yang byin wa na rai nga ai- 12:1-14, 13:5, 11:2.
- E. Anhtē gaw Kārai Kāsang a mātu law mālawng bungli gālaw lau ai ahkaw ahkang grau re prat lādaw hta asak hkrung nga ga ai. Nhtoi rai nga ai Kārai Kāsang gaw anhtē hpe lam mādun ya wa na rai nga ai. Raitim, anhtē a n-gun hte mānu shābrai rai nga ai shānu nga ai Hkristu gaw lam hpe hkawm sa na mātu dang di shāngun ai. Ya jai lang hkrum na mātu grai kāba dik ai mānu shābrai hpe jaw ra na rai nga ai- 3:18.

II. Hpung gaw Kārai Kāsang a yaw shāda lam hpe nlu la ai mājaw, Kārai Kāsang gaw Mādu a yaw shāda lam hpe lu la nna, Mādu hpyi shawn ai lam hpe jāhpring shātsup na danglu ai uhpung mi hpe lāta la wa na rai nga ai. Ndai gaw shādang sha a mādung mähkrun lam rai nga ai- 12:1-2, 5, 10-11, 2:7, 11, 17, 26-28, 3:5, 12, 20-21.

- A. Ninggawn tawa hte seng ai tu kābrim ai num sha gaw, Kārai Kāsang a māsha pawng gumhpawn ai hpe gawng mālai tawn da nhtawm, jāhtum hku nna, Nin. 3:15 hta rawng ai numsha a nli gaw shādang sha hku nna shingdaw ai Kārai Kāsang a māsha ni a n-gun ja dik ai daw rai nga ai danglu ai kamsham ai ni shang lawm na mātu kāba dam lāda wa wu ai—Shr. 12:1-2, 5, 10-11.
- B. Asak jaw ai Wēnyi hku nna, bai hkrung rawt ai Hkristu gaw numsha a hkrang nsam gālai ai rusai, numsha a nli rai nna, anhtē hta lāpu a baw hpe abrep na mātu, anhtē kāta de kāran kāchyan ya ai, anhtē hpe numsha a gumhpawn da ai nli, danglu ai shādang sha byin shāngun nhtawm, dai gaw moi na lāpu hta Kārai Kāsang a tāra jeyang ai lam hpe gunhpai na mātu, prat lādaw hpe gālai shai na Kārai Kāsang a prat lādaw hte seng ai lākung lākap rai nna, Kārai Kāsang a mungdan hpe gunhpai sa wa na mātu rai nga ai—kāji 5.
- C. Shk. 2:8-9, Shr. 2:26-27 hte Shr. 12:5 ni gaw Kārai Kāsang a namman chya hkam ai Mādu Yēsu, Hpung ni hta nga ai dang lu ai ni hte shādang

sha ni gaw māsha amyū ni hpe nri ding hkyen hte uphkang na rai nna, dai hku nna Mādu Yēsu, danglu ai ni hte shādang sha gaw lāngai sha tai na lam sakse mādun nga ai. Woi awn ai danglu ai wa rai nga ai Mādu Kārai (3:21) gaw shādang sha a baw, kā-ang dāju, jet ai lam, asak hte mābyin māsa rai nhtawm, h pang hkan ai danglu ai ni rai nga ai shādang sha gaw Mādu Kārai a hkumhkrang rai nga ai.

- D. Wudang ntsa Mādu Kārai a si hkam ai a mārang e, moi na lāpu rai nga ai Satan gaw tāra jeyang ai gawt shāpraw kau hkrum ai (Yhn. 12:31, 16:11). Dai tāra jeyang ai lam hte māra kap jeyang ai lam gaw shādang sha rai nga ai. Numsha a gumhpawn da ai nli hku nna, danglu ai ni gaw jāhtum du gunhpai nhtawm, jeyang ai lam gālaw wa na rai nga ai. Danglu ai kamsham ai ni gaw Satan hpe ninghkap gāsai ai mājan poi gaw, kāja wa Mādu Kārai gaw shi hpe sumsing kaw nna gawt shāpraw kau na mātu shi ntsa tāra jeyang ai lam hpe gunhpai ai lam rai nga ai—Shr. 12:7-9.
- E. Shādang sha hta Hpung a gawng mālai tsap nga ai, Hpung lāngai hta gunhpai ra ai shāra māsa hpe gunhpai ai, Hpung a mātu, bungli hpe gunhpai ai danglu ai ni hte shang lawm gumhpawn da ai—2:7b, 11b, 17b, 26-28, 3:5, 12, 21, 12:5, 11.
1. Kārai Kāsang a māsha ni yawng gaw Mādu a htani htana yaw shāda lam hta daw chyen rai nga ging ra ai. Raitim yawng gaw, tinang gunhpai ging ai lit hpe n-gun hpai ma ai. Dai mājaw Kārai Kāsang gaw shanhtē a kā-ang hta, māsha uhpung—numsha hku nna, shāngai wa ai shādang sha hpe lāta la wu ai.
 2. Tengman ai Chyum laika hta Kārai Kāsang a māsha ni kā-ang e grau nna n-gun ja ai ni hpe Kārai Kāsang a mātu mājan poi hpe gāsai ai hte Kārai Kāsang a mungdan hpe dinghta ga de gun sa wa ai gumhpawn da ai mādang lāngai hku nna, māsat la ai—Shr. 12:5, 10-11.
 3. Kārai Kāsang gaw shādang sha hpe jai lang nna, Mādu a yaw māsing hpe jāhpring shātsup ai, Mādu a yaw shāda lam hpe ngut kre hpring tsup shāngun na rai nga ai—1Tim. 1:4, 2Tim. 1:9, 11, 3:11.
 4. Kārai Kāsang gaw Mādu a hpyen wa hpe shāmyit kau na mātuhte Mādu a mungdan hpe gun sa wa na mātu shādang sha hpe ra nga ai. Shing rai yang she Mādu a htani htana yaw shāda lam gaw ngut kre hpring tsup lu na rai nga ai. Mādu Kārai a bai lu la ai lam gaw, daini

Kārai Kāsang a yaw māsing tatut hkrak rai nga nna, Mādu a yaw māsing gaw, shādang sha a mārang e sha gunhpai lu na rai nga ai—Shr. 12:10.

- F. Shādang sha hpe shālun la ai lam gaw, Satan hpe sumsing hta shi shāra nnga mat na mātu byin shāngun ai kāyin kāye htawt sit ai lam rai nga ai. Anhtē gaw Mādu a hpyen wa ntsa Mādu a tāra jeyang ai lam hpe jeyang gunhpai ai hku nna, Kārai Kāsang ra nga ai lam hpe jāhpring shātsup na mātu shālun la hkrum ai rai nga ai—kāji. 5:7-10.
- G. Shādang sha hpe mähkri shawn gumhpawn shang lawm ai ni gaw, Kārai Kāsang a hpyen wa, Satan rai nga ai nat mātse (māra shāgun dinglun ai wa, gyam ai tsun ai wa” hpe danglu ai gaw, sāgu kasha a asai a mājaw mung, shanhtē sakse hkam ai ga hte si ai du hkra shanhtē a myit asak hpe ntsawra ai mājaw mung, rai nga ai—kāji 10-11.
- H. Shādang sha a mābyin mahkra gaw Hkristu a dat mābyin hte byawng shang hpring tsup ai hte ing chyam bra ai lam nga nga ai. Hpa mājaw nga yang, shanhtē gaw shāni shāgu shanhtē a kāta māsha de n-gun jāhpring n-gun ja shāngun hkrum ai mājaw rai nga ai. Shing rai yang she Hkristu gaw shanhtē a myit māsin kāta de Mādu shi hkum nan gawgap ai lam nga wa nna, shanhtē gaw htum ngu nnga ai Hkristu a nhpaw n-ya sutsu ai lam ni hte kārum jaw sha ai hkrum nhtawm, Kārai Kāsang a laknak hkum hkum re hku nna Hkristu hpe bu hpun sumraw ai lam nga ma ai—Ehp. 3:16-18, 8, 6:10-11.

III. Israel gaw shāning sānit shi ning tup rim zing mat wa hkrum ai shāloi, Kārai Kāsang gaw jet ai danglu ai wa rai nga ai Nehemia a mājaw prat lādat hte seng ai shāmu shāmawt lam lu la nga ding yang rai nga ai. Shi gaw Kārai Kāsang hpanng de prat lādaw hte seng ai mānu dan dik ai lam nga ai wa a kāsi kāmang rai nga ai—Neh. 1:1-11, 2:9-20, 4:4-5, 9, 5:10, 8:1-10, 13:14, 29-31.

- A. Nehemia laika hta rawng ai ahkyak dik ai daw gaw, Yerusalem māre hpe de a māre bungghku hte rau bai gawgap ai Kārai Kāsang a yaw māsing ngut kre hpring tsup na mātu Mādu a sakse hkam na Mādu a lāta la hkrum ai ni a kā-ang hta nsim nsa tutnawng bai lu la ai lam hte māre kāta Kārai Kāsang a nta a mātu mākawp māga na, shim lum lam nan rai nga ai.
 - 1. Ndai gaw dinghta ga ntsa Mādu shānu na hte nta rai nga ai Kārai Kāsang a nta gaw Mādu a yaw māsing hpe gunhpai na mātu, Mādu a yaw māsing jāhkrat na dinghta ga ntsa Mādu a myit shang sha lam

hpe mākawp māga na shingwang hku nna, Mādu a mungdan gawgap ra ai lam hpe shingdaw ai—mādun; Rom. 14:17.

2. Kārai Kāsang a nta hpe bai gawgap ai lam gaw, Kārai Kāsang gaw, hkrat sum mat ai Hpung hpe bai lu la ai lam hpe shingdaw nna, Yerusalem māre a bungku hpe bai gawgap ai lam gaw, Kārai Kāsang gaw mungdan hpe bai lu a ai lam shingdaw ai. Kārai Kāsang a nta gawgap ai lam hte Mādu a mungdan gaw rau sha sa nga ai—Mat. 16:18-19.

B. Anhtē gaw Hkristu hpe anhtē a asak hku nna, chye na nhtawm, kābu gāra ai shāloi, Kārai Kāsang a nta hku nna, Hpung hpe lu la ai. Anhtē gaw grau nna lāhkam sa nhtawm, Mādu a baw shāra hpe chye na hkawn hkrang ai shāloi, nta gaw māre, Kārai Kāsang a mungdan byin na mātu kāba dam lāda wa na rai nga ai—Ehp. 1:10, 22, 23, 4:15, Shr. 22:1.

C. Nehemia laika gaw daini Mādu Kārai a bai lu la ai lam hta anhtē gaw jaw kāja htap htuk ai nden ja lung mat wa ra ai lam mādun nga ai.

1. Moba amyū hte Ammon amyū a ningbaw ni gaw, Nehemia gaw Israel amyū māsha ni a akyū ara hpe tam ai lam a mājaw grai nan myit htum mat ma ai. Lawt kaw nna yu hkrat wa ai ndai nsan nseng ai amyū rusai ni gaw Israel amyū māsha ni hpe nju nhtawm, mātsat kau ma ai—Neh. 2:10,19, mādun; Eze. 25:3,8.

2. Ndai ninghkap ai ni a jāhpoi asawng ai lam, mātsat shābat re lam hte māra shāgun dinglun ai lam ni hte seng nna, Nehemia gaw hkrit ai lam nnga ai sha, grai san seng nna, nden ja lung mat ai lam nga wu ai—Neh. 2:17-20, 4:1-23, mādun; Kas. 4:29-31, 1Hte. 2:2, 2Tim. 1:7-8.

3. Nden ja lung mat wa ai ni gaw Kārai Kāsang kaw na kārum jaw ai hpe lu la ma ai. Nehemia zawn nan Kāsa Pawlu gaw Kārai Kāsang hte rau jingku hku nna, ndai jingku hku ai lam hta Kārai Kāsang a ningtau byin wa wu ai—Kas. 26:21-22.

4. Nehemia a shinggyim arawn alai mai kāja lam hku nna, shi a nden ja lung mat wa ai lam gaw anhtē a rudi atsam mārai, gālaw lu ai atsam hte mai kāja lam ni gaw Mādu a yaw māsing ngut kre hpring tsup na lam hta Kārai Kāsang hpang de akyū rawng na mātu, Hkristu a wudang hpe laidi ra ai. Bai hkrung rawt ai kāta de māsūm lāngai Kārai a ngut kre hpring tsup ai lam hku nna, wēnyi kāta de shāga la hkum ai rai nga ai.

D. Nehemia gaw shi a shinggyim rudi māsha hta, asak hkung ai lam nnga ai sha, bai hkrung rawt ai lam hta asak hkrung ai rai nga ai. Shi gaw nden ja lung mat wa wu ai. Raitim, shi a nden ja lung mat wa ai lam gaw, kāga laklai ai kumla ni hte gumhpawn shang lawm ai lam rai nga ai.

1. Kārai Kāsang hte shi a mātut mähkai ai lam hta shi gaw Kārai Kāsang hpe tsawra ai wa rai nna, Chyoi pra ai lämu ga, (Hkristu hpe shingdaw ai), Chyoi pra ai htingnu (Hpung hpe shingdaw ai), Chyoi pra ai märe, (Kārai Kāsang a mungdan hpe shingdaw ai) ni dinghta ga ntsa Kārai Kāsang a myit shang sha lam hpe mung tsawra wu ai—1Hk. 8:48, mädun; 2Tim. 3:1-5.
2. Kārai Kāsang hpe tsawra ai wa hku nna Nehemia gaw kånawn mązum ai lam hta Mädu hpe mātut mähkai na mätu, Kārai Kāsang hpang de akyu hpyi wu ai. Märe bungghku hpe bai gawgap na mätu Nehemia gaw Kārai Kāsang a ga hta tsap nga nna, dai hte mären akyu hpyi wu ai—Neh. 1:1-11, 2:4, 4:4-5, 9.
3. Nehemia gaw Kārai Kāsang hta kamhpa nna, Kārai Kāsang hte lāngai sha byin wa ai mung nga wu ai. Mähtai hku nna, shi gaw Kārai Kāsang a gawng mälai tai ai wa byin wa ai—5:19, mädun; 2Kor. 5:20.
4. Mäsha law law hte rau mātut mähkai ai lam hta Nehemia gaw ting gyeng myit nrawng ai, kǎning re ting gyeng akyu tam ai (snr) ting gyeng akyu ram ai lam mung nnga wu ai. Shi gaw shi hta nga ai lam hpe māsha law law a mätu hte mungdan a mätu hkungga jaw kau na mätu gǎloi mung ra shārawng awng wu ai—Neh. 5:10, 14-19.

E. Märe ninghtawn du hku nna, Nehemia gaw hkawhkam shāra hta nga nga nhtawm, shi gaw Kārai Kāsang a yaw mäsing hpe gunhpai ai lam hta Yerusalem märe a märe bungghku hpe bai gawgap na mätu san seng ai myit mäsing rawng ai māsha lāngai ria nga ai. Shi gaw Kārai Kāsang a māsha ni kǎ-ang hta woi awn ai wa nga ging ai lam a kǎsi kāmang rai nga ai—mädun; 1Tim. 3:2-7, 1Pet. 5:1-3.

1. Israel mung hte Yuda mung hta nga ai hkaw hkam ni law law hte nbung ai sha, shi gaw ting gyeng myit rawng ai lam nnga ai, ting gyeng akyu ntam ai, num, la hte seng ai lam hta nmyit shārawng nhkan nang wu ai.

2. Hpyen jaub kāba hku nna, Nehemia gaw hpyen wa hpe ninghkap gāsāt na mātu, jin jin rai nga ai ni a kā-ang hta nga nga nhtawm, shāna sin lānga gālaw ai hta shang lawm sin lawm wu ai. Shi gaw ndai lam ni hpe kāga ni hpang de htawt ap ya ai lam nnga ai sha, dai ni hta shi hkum nan shang lawm gālaw wu ai—Neh. 4:9-23.
 3. Shi hte shi a hpunau ni gaw Kārai kāsang hpe hkrit ai mājaw shi lāhkawng ni tup māre ningtau a mātu kāran da ai lu sha hpe nsha ma ai—5:14-15.
 4. Shi gaw hpa bungli shābrai hpe mung nla ai sha, māre bungghku gawgap ai bungli hta shang lawm wu ai. Tinang a ting gyeng akyu tam na mālai shi gaw māre bungghku gawgap na yaw shāda nna, kāga māsha ni hpe jaw sha wu ai—kāji 16-18.
- F. Nehemia gaw uphkang ai wa rai nga timung, shi gaw ting gyeng akyu yaw shāda lam tsep kawp nnga ai. Ndai lam hpe mungdan bai gaw shārawt māhkri shawn gumhpawn ailam hta shi gaw Kārai Kāsang a māsha ni hpe Kārai a Mungga hte bai māhkri shawn gumhpawn ya na mātu Ezra hpe ra nga ai lam chye na māsing lu ai hku nna mādun da ai—8:1-10, Hpil. 2:3-4.
- G. Nehemia gaw hkum tsup ai ningbaw rai nna, māsha lābau hta kāja dik ai ningbaw hte sālang lāngai hta nga ging ai kāja dik ai kāsi kāja rai nga ai. Anhtē a mātu grau nna, Hpung ni hta woi awn ai ni a mātu shi a kāsi kāja hpe myit sawn yu na ging dan nga ai. Shing rai yang she anhtē gaw prat hpe gālai shai shāngun na Kārai Kāsang hpe amyat lu la ai hte kāga māsha ni hpang de Kārai Kāsang hpe lwi sa ai lam hta kāsi kāja byin lu na rai nga ai—Neh. 5:19, 13-14.